

V E N D I M
Nr.465, datë 19.7.2001

**PËR METODOLOGJINË E RREGULLIMIT TË TARIFAVE TË OPERATORIT PUBLIK TË
TELEKOMUNIKACIONEVE TË ALBTELECOM, SH.A.-SË**

Në mbështetje të nenit 100 të Kushtetutës dhe të neneve 59 dhe 62 të ligjit nr.8618, datë 14.6.2000 “Për telekomunikacionet në Republikën e Shqipërisë”, me propozimin e Ministrit të Ekonomisë Publike dhe Privatizimit, Këshilli i Ministrave

V E N D O S I:

1. Metodologjia për rregullimin e tarifave të shërbimeve telefonike të qëndrueshme dhe të shërbimit të linjave me qira të ofruara nga operatori publik i telekomunikacioneve të Albetelecom sh.a.-së, cilësuar nga Enti Rregullator i Telekomunikacioneve si organizëm me fuqi të ndjeshme në treg, të jetë mekanizmi i çmimit tavan sipas formulës që më poshtë vijon:

$$Ti = Ti-1 (1+I-X+Z),$$

Ku:

Ti – tarifa për një minutë shërbimi telefonik ose tarifë shërbimi për vitin “i”;

Ti-1 – tarifa për një minutë shërbimi telefonik ose tarifë shërbimi për vitin paraardhës;

I – treguesi i inflacionit të vitit paraardhës në % i raportuar nga Instituti i Statistikës;

X – faktori i përmirësimit të frytshmërisë së operatorit në %;

Z – faktori rregullues i tarifës në %

Vlerat X dhe Z jepen në lidhjen nr.1, e cila i bashkëlidhet këtij vendimi.

2. Shportat e shërbimeve për çdo vit dhe rregullimi mesatar tavan i tyre të jenë ato të lidhjes nr.2, që i bashkëlidhet këtij vendimi. Vlera e shportës së shërbimeve të çdo viti të llogaritet në bazë të trafikut në minuta, të kryer në vitin paraardhës dhe të mesatares së tarifave të këtij viti dhe atyre të vitit llogaritës, ponderuar me trafikun në minuta, të realizuar në vitin paraardhës. Tarifat përkatëse të zërave të shërbimeve brenda çdo shporte nuk duhet të jenë më të larta se ato të përcaktuara sipas formulës së pikës 1 të këtij vendimi.

3. Rregullimi i tarifave në përputhje me këtë vendim të bëhet për aq kohë sa Albetelecom sh.a.-ja të cilësohet organizëm me fuqi të ndjeshme në treg. Tarifat e reja të hyjnë në fuqi në fillim të çdo viti kalendarik. Për vitin 2001 ndryshimi i tarifave të bëhet në datën 1 gusht.

4. Albetelecom sh.a.-ja të përcaktojë koston e plotë të çdo zëri shërbimi. Në përputhje me këto kosto dhe për rregullimin e tarifave të Albetelecom sh.a.-së në vazhdimësi, Enti Rregullator i Telekomunikacioneve, jo më vonë se 5 vjet nga hyrja në fuqi e këtij vendimi, të propozojë amendimet përkatëse në lidhjet nr.1 dhe nr.2, të këtij vendimi.

5. Në strukturën e re tarifore, Albetelecom sh.a.-ja:

a) Të zbatojë:

i) për përdoruesit e kategorisë “Familjarë”, shkallëzimin e impulseve me çmim pa TVSH, si më poshtë:

0 – 150 impulse 1 lekë

mbi 150 impulse 4 lekë

ii) për përdoruesit e kategorisë “Të tjerë” çmimin pa TVSH

për çdo impuls 7 lekë.

b) të zbatojë ndryshimin e tarifave sipas pikës 1 të këtij vendimi, nëpërmjet ndryshimit të ritmit të impulseve të tarifimit.

c) të zbatojë breza orare për të gjitha llojet e bisedave.

6. Albetelecom sh.a., të zbatojë zbritje në pagesat e përdoruesve në masën 2.5 për qind kur shuma në faturën mujore të jetë mbi 1 500 lekë, për përdoruesit e kategorisë “Familjarë”, dhe mbi 15 000 lekë për përdoruesit e kategorisë “Të tjerë”.

7. Ngarkohet Enti Rregullator i Telekomunikacioneve për zbatimin e këtij vendimi dhe për nxjerrjen e udhëzimeve përkatëse.

Ky vendim hyn në fuqi pas botimit në Fletoren Zyrtare.

Lidhja 1. VLERAT E X DHE Z NË FORMULËN E ÇMIMIT TAVAN
Për të gjitha shërbimet $x = 2.5\%$

A. Shërbimet telefonike të qëndrueshme	Z (%) për tarifën e shportës "Familjarë"	Z (%) për tarifën e shportës "Të tjerë"
Tarifë e instalimit	3.4	-13.1
Pajtim mujor	27.1	11.0
Tarifa e pikut (1 minutë)		
Bisedë lokale brenda zonës urbane dhe komunës	44.0	34.7
Bisedë kombëtare:		
në distancë deri 25 km	0.4	- 2.6
në distancë 25-50 km	- 9.1	- 11.9
në distancë 50-100 km	- 10.9	- 15.6
në distancë mbi 100 km	- 17.7	- 21.3
Tarifa e zakonshme (1 minutë)		
Bisedë lokale brenda zonës urbane dhe komunës	19.0	33.1
Bisedë kombëtare:		
në distancë deri 25 km	0.3	- 1.2
në distancë 25-50 km	- 9.1	- 10.4
në distancë 50-100 km	-12.2	- 14.8
në distancë mbi 100 km	-18.1	- 19.6
Tarifa e reduktuar (1 minutë)		
Bisedë lokale brenda zonës urbane dhe komunës	10.3	8.8
Bisedë kombëtare:		
në distancë deri 25 km	- 3.3	- 2.0
në distancë 25-50 km	- 12.4	- 11.3
në distancë 50-100 km	- 16.5	- 15.4
në distancë mbi 100 km	- 22.4	- 20.2
Tarifa ndërkombëtare piku (1 minutë)		
Bisedë me vendet fqinje	2.2	2.2
Bisedë me Europën, zona 1	1.5	1.5
Bisedë me Europën, zona 2	2.2	2.2
Bisedë me vendet e tjera	0.8	0.8
Tarifa ndërkombëtare e reduktuar (1 minutë)		
Bisedë me vendet fqinje	- 2.4	- 2.4
Bisedë me Europën, zona 1	- 2.5	- 2.5
Bisedë me Europën, zona 2	- 2.1	- 2.1
Bisedë me vendet e tjera	- 1.9	- 1.9
B. Shërbime të linjave me qera	Z (%) për tarifën e shportës Linja me qera	
1. Linja me qera kombëtare		
Tarifa e instalimit për linja 64 kbit/s	126.4	
2 Mbit/s	403.0	
Pajtimi mujor për linja 64 kbit/s		
dhe distanca: deri 25 km	- 58	
25 – 50 km	- 69.2	
50 – 100 km	- 69.0	
mbi 100 km	- 65.7	
Pajtimi mujor për linja 2 Mbit/s		
dhe distanca: deri 25 km	- 66.4	
25 – 50 km	- 80.2	
50 – 100 km	- 73.8	
mbi 100 km	- 76.5	
2. Linja me qera ndërkombëtare		
Tarifa e instalimit për linja 64 kbit/s	- 52.7	
512 kbit/s	- 54.3	
2 Mbit/s	- 46.8	
Pajtimi mujor për		
Vendet fqinje		
Për linja 64 kbit/s	- 47.2	
512 kbit/s	- 42.8	
2 Mbit/s	- 31.9	
Europën, zona 1		

Europën, zona 2	64 kbit/s	- 52.5
	512 kbit/s	- 48.2
	2 Mbit/s	- 38.5
	64 kbit/s	- 43.3
	512 kbit/s	- 37.8
	2 Mbit/s	- 29.1
Vendet e tjera	64 kbit/s	- 47.0
	512 kbit/s	- 41.8
	2 Mbit/s	- 33.7

Lidhja 2. Shportat e shërbimeve dhe rregullimi tavan

1. Shportat dhe kategoritë e shërbimeve për çdo shportë janë:

- a) shporta e shërbimeve telefonike të qëndrueshme për kategorinë “Familjarë”: pajtim, instalim, bisedë lokale, kombëtare dhe ndërkombëtare;
- b) shporta e shërbimeve telefonike të qëndrueshme për kategorinë “Të tjerë”: pajtim, instalim, bisedë lokale, kombëtare dhe ndërkombëtare;
- c) shporta e shërbimeve për Linja me Qira: pajtim dhe instalim linjash kombëtare dhe ndërkombëtare.

2. Rregullimi mesatar vjetor tavan i vlerave të shportave të shërbimeve për periudhën e rregullimit 2001-2005 jepet në tabelën e mëposhtme:

Shporta	Rregullimi mesatar vjetor tavan i shportës
Familjarë	- 1.6%
Të tjerë	- 0.4%
Linja me qira	- 13%